



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

63. Quomodo irruens in Ecclesiam & ministros capitali sententiæ subiacet.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

liant distribuēdo, & viuos polluunt fabricando. Si quis igitur de sepulchro abstulerit saxa vel marmora, vel columnas, aliāve quamcūque materiā fabricandi gratia, siue id fecerit venditurus, decem pondo auri cogatur fisco inferre, siue quis propria sepulchra defendens, hanc in iudicium querelam detulerit, siue quæcunq; alius accusauerit, vel ad officium nunciauerit, quæ poena Priscæ seueritati accedit. nihil enim derogatum est illi supplicio, quod sepulchrum violentibus videtur impositum. Huic autem poenæ subiacebunt, & qui corpora sepulta aut reliquias contrectauerint. Hæc ille Imperat. Quid igitur dicendum de illis, qui SS. martyrum sepulchra, tanta audacia violent.

Imp. Arcadius & Honorius A. Theodoro præfecto præto. habetur in l. Si quis in hoc, C. De Episcopis & clericis, irruens in Ecclesiam & ministros, capitali sententiâ subiacer.

CAP. LXIII.

SI quis in hoc genus sacrilegij proruperit ut in Ecclesias Catholicas irruens, sacerdotibus & ministris, vel ipsi cultui locoq; aliquid importet iniuriæ, quod geritur, à prouinciæ rectoribus animaduertatur, atq; ita prouinciæ moderator, sacerdotum & Catholicæ Ecclesiæ ministrorum, loci quoque ipsius, & diuini cultus iniuriam capitali in coniunctos seu confessos reos sententiâ nouerit vindicandam, nec

nec expectet, vt Episcopus iniuriæ propriæ vltionem deposcat, cui sanctitas ignoscendi gloriam dereliquit. Sitque cunctis laudabile factas atroces sacerdotibus aut ministris iniurias veluti crimen publicum persequi, ac de talibus reis vltionem mereri. Quod si multitudo violenta per ciuilis apparitoris executionem adminiculo etiam ordinum possessionumue non poterit flagitari, quod se armis aut locorum difficultate tueatur, præfides prouinciarum etiam militari auxilio per publicas literas appetito, competentem vindictam tali excessui imponere non morentur.

Iustinianus Imperat. in Authent. Collat. 9. tit. 15. De sanctissimis Episcopis, & clericis. §. Si quis cum sacra. De pœnis eorum qui Episcopos, clericos aut ministros Ecclesie iniurijs afficiunt, & diuina ministeria conturbant, aut celebrari prohibent, & de modo celebrandi litanias, & pœnis eas concutientium.

CAP. LXIV.

SI quis cum sacra ministeria celebrantur, in sanctam Ecclesiam ingrediens, Episcopo, aut clericis, aut ministris alijs Ecclesie iniuriam aliquam inferat: iubemus hunc verbera sustinere, & in exilium mitti. Si verò hæc sacra mysteria conturbauerit, aut celebrare prohibuerit, capitaliter puniatur: Hoc ipso & in litanijs, in quibus Episcopi & clerici reperiantur, custodiendo. Et si quidem iniuriam
solum